

حكاية حينا

أنا مش هاشحت مشاعرك ..

ولا عمري شحتّها

ولا يوم هاستجدي عطفك

ده انا اموت من قبلها

إذا كات كلمة بحبك ..

قلبك مش حسّها

تحرم على قلبي مهما...

بشفايفك قولتها

أشواقنا كات دفانا ...

في ليالي البردانيين

والهمسة ف يوم لقانا ...

بتدوّبنا ف حنين

كان حبي ليك حكاية ...

يحكيها العاشقين
ليه وصلته النهاية ..
وراح من إيدنا فين ؟
لو كان حد ف حياتك
خد من قلبك مكاني؟
راح ألم شظايا حبي
وكفايه جراح هواني
وابكي بدموع عنيا
على حب زمان داواني
وزرعته ف نبض قلبي
ورويته من حناني
أرجوك قول الحقيقة
ماقدرش اعيش دقيقه
على وهم الحب تاني